

*Habitat* ad Ulaburgum rarissime: quos umquam vidi tantum duos, haud procul ab urbis portu, mense Septembri, in folio Alni concorditer insidentes reperi.

*var. b*: Macula elytrorum humerali et regione scutellari, summoque apice fuscis, atque loco lineae arcuatae maculae duae testaceae transversaliter positae propius apicem; pedibus etiam obscure fuscescentibus.

*Habitat* ibidem.

*Savenius.*

### 8. LEPTURA *Jägeri*.

*Nigra tenue pubescens, thorace mutico; elytris praemorsis, antice, abdomine pedibusque rubris, tarsis nigricantibus.*

*Descr.* Statura et magnitudo *LEPT. melanurae*, feminae. — *Caput* nigrum, punctatum, clypeo et labro ferrugineis. *Antennae* totae nigrae.

*Thorax* niger convexus, crebre punctatus, latitudine longior, antice angustior, postice sinuatus, reflexo-marginatus, angulis prominulis acutis.

*Scutellum* parvum, nigrum.

*Elytra* thoracis basi multo latiora et plus quam triplo longiora, postice angustata, apice praemorsa, parum convexa, minus crebre punctata; nigra, antice quoad tertiam partem rubra, sutura tamen angustissime nigra, nigredine apicis in angulum ad suturam adscendente.

*Thorax* subtus et *pectus* nigra, pube brevi griseo-holosericea tecta. *Abdomen* rubrum, articulo primo basi et anali toto nigris.

*Pedes* rubri, postici longiores, tibiaram apicibus et tarsis nigricantibus, unguis rubris.

*Longit.* lin. 4. *lat.* lin.  $1\frac{1}{2}$ .

*Habitat* in Rossia meridionali? Dom. *Matthes.*

Speciem in honorem Domini *Jäger*, botanici et entomologi diligentissimi, cui pulcherrima debeo insecta Petropolitana, nominavit

*Hummel.*

### 9. LUPERUS *collaris*.

*Niger, thorace abdomineque fulvis, elytris cyaneis.*

*Descr.* *LUPERO rufipedi* major. — *Caput* nigrum. *Antennae* nigrae, articulis primo et secundo basi infuscatis.

*Thorax* transversus, undique marginatus, angulis rotundatis, laevis nitidus, totus fulvus.

*Elytra* confertim punctata, cyanea, nitida.

*Pectus* nigrum, pubescens. *Abdomen* fulvum.

*Pedes* toti nigri, pubescentes, femoribus crassioribus quam in congeneribus.

*Longit.* lin. 3. *lat.* lin.  $1\frac{1}{2}$ .

*Habitat* in Rossia meridionali? Dom. *Matthes.*

*Hummel.*

### 10. TINGIS *pilosa*.

*Tota pilosa, thorace scutelloque tri-carinatis, supra pallida nigro-irrorata, subtus nigra tibiis tarsisque pallidis.*